

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2019/90, 14.11.2019թ.

Բողոք բերող անձ՝ «Մեգիէլ» ՍՊԸ

Պատվիրատու՝ «Գյումրու ԲԿ» ՓԲԸ

Գնման ընթացակարգի ծածկագիրը՝ «ԳԲԿ-ԳՀԱՊՁԲ-19/20» գնանշման հարցում

Գնման առարկան՝ Բժշկական պարագաների ձեռքբերում

Բողոքի պահանջը՝ Պարտավորեցնել չկայացած համարելու «ԳԲԿ-ԳՀԱՊՁԲ-19/20»
ծածկագրով գնման ընթացակարգը

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Հասցե՝ Մելիք Աղամյան 1, Երևան քաղ.

Բողոք բերող անձ՝ «Մեգիել» ՍՊԸ,

Տնօրեն՝ Սամվել Փարիզյան

Հասցե՝ Ղ. Դեմիրճյան 40, Երևան քաղ.

Հեռ. 010-565476, 043- 903090

Էլ. փոստ՝ office@megiel.am

Պատվիրատու՝ «Գյումրու բժշկական կենտրոն ՓԲԸ»

Հասցե՝ Գ.Նժդեհ 3/3, Գյումրի քաղ.

Գնման ընթացակարգի ծածկագիր՝

ԳԲԿ-ԳՀԱՊՁԲ-19/20

Գնման առարկա՝ «Բժշկական պարագաների ձեռքբերում,

մատակարարման պայմանագրի կնքում»

Բ Ո Ղ Ո Ք

1. Վեճի առարկան.

1.1 «Գյումրու բժշկական կենտրոն» ՓԲ ընկերության կողմից հայտարարվել է ԳԲԿ-ԳՀԱՊՁԲ-19/20 ծածկագրով գնման ընթացակարգ:

1.2 Մասնակցության հայտերի ներկայացման վերջնաժամկետը՝ 14.11.2019թ ժամը 14:00 է:

1.3 Հայտերի բացման օր է սահմանված 14.11.2019թ, ժամը՝ 14:00:

1.4 ԳԲԿ-ԳՀԱՊՁԲ-19/20 ծածկագրով գնմանը մասնակցելու նպատակով «Մեգիել» ՍՊ ընկերությունը (հետայսու՝ ընկերություն) ուսումնասիրելով հրավերը՝ տեխնիկական բնութագրերում արձանագրել է անհամապատասխանություն «Գնումների մասին» ՀՀ օրենքի կարգավորումների հետ:

1.5 Հրավերով սահմանված ժամկետում ԳԲԿ-ԳՀԱՊՁԲ-19/20 ծածկագրով հրավերի 5, 6, 11, 12, 15, 16, 17, 18, 19, 20, 21 եւ 22 չափաբաժինների վերաբերյալ պարզաբանում ստանալու նպատակով հարցադրում է ներկայացվել հանձնաժողովին:

1.6 Ներկայացված հարցադրումների վերաբերյալ պարզաբանում չի տրվել:

Հայաստանի Հանրապետություն
Երևան 0002
Դեմիրճյան 40/173

Tel: (+374) 10 565476
Mob: (+374) 43 903090
E-mail: office@megiel.am

40/173 Demirchyan str.
Yerevan 0002
Republic of Armenia

3 N 14-51222-19
5 «14» 11 19թ.

2. Բողոքի փաստական և իրավական հիմքերը.

«Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի «գնումների և գնումների գործընթացի տնտեսող, արդյունավետ և օգտավետ իրականացումը»:

Համաձայն Օրենքի 3-րդ հոդվածի 2-րդ մասի «Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն»:

Համաձայն օրենքի 13-րդ հոդվածի «1. Գնման առարկայի բնութագրերը պետք է ամբողջությամբ և հստակ նկարագրեն ձևով բերվող ապրանքի, աշխատանքի կամ ծառայության հատկանիշները, դրանց ձևորոշման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձևով բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական եշաններին, տեղի նկարագրությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառությանին (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:»

Նկատի ունենալով, որ ԳԲԿ-ԳՀԱՊԶԲ-19/20 ծածկագրով գնման ընթացակարգի տեխնիկական բնութագրերում պահանջվող բժշկական պարագաների նկարագրի ձևակերպումները ներկայացված են այնպիսի չափորոշիչներով, որոնցով կարող են հայտ ներկայացնել կոնկրետ արտադրատեսակ մատակարարող ընկերությունները: Հրավերի տեխնիկական բնութագրերը չեն համապատասխանում «Գնումների մասին» ՀՀ օրենքի 13-րդ հոդվածի պահանջներին: ՈԻստի՝ ընկերությունը հանդես է եկել հարցադրմամբ, սակայն «Գյումրու բժշկական կենտրոն ՓԲ ընկերությունը պարզաբանում չի տրամադրել:

Հրավերի տեխնիկական բնութագրերում առկա են այնպիսի ձևակերպումներ որոնք հստակ հղում են անում կոնկրետ ֆիրմային անվանման, էսթիզին, մոդոլին եւ առկա են նույնականացնող այնպիսի չափորոշիչներ որոնց առկայությամբ գնման առարկա կարող է ապահովել հստակ մեկ արտադրող:

Օրենսդիրը վերը հիշատակված նորմով ինվերստիվ կանոն է սահմանել, որ «Գնման առարկայի հատկանիշները *չպետք է պահանջ կամ հղում պարունակեն* որևէ առևտրային նշանի, ֆիրմային անվանմանը, արտոնագրին, էսթիզին կամ մոդելին, ծագման երկրին կամ կոնկրետ աղբյուրին կամ արտադրողին.....»:

Ընկերությունը ներկայացրել է հետևյալ հարցադրումները՝

«Հարգելի հանձնաժողով, ղեկավարվելով «Գնումների մասին» ՀՀ օրենքի 29-րդ հոդվածով խնդրում եմ պարզաբանել 5, 6, 11, 12, 15, 16, 17, 18, 19, 20, 21 եւ 22 չափաբաժինների վերաբերյալ հետևյալ ձևակերպումները, որոնք նաեւ առաջացնում են ապակողմնորոշում եւ մեր գնահատմամբ սահմանափակումներ հնարավոր հայտատուների համար:

Հրավերով ներկայացված են՝

չափաբաժին 5 - Կաթետերներ/Ախտորոշիչ կատետեր/1

չափաբաժին 6 - Կաթետերներ/Ախտորոշիչ կատետեր/2

չափաբաժին 11 - Կաթետերներ Ախտորոշիչ/3

չափաբաժին 12 - Կաթետերներ/գայդ կատետեր

չափաբաժին 15 - ղեղապատ ստենտ/1

չափաբաժին 16 - ղեղապատ ստենտ/2

չափաբաժին 17 - ղեղապատ ստենտ/3

չափաբաժին 18 - բալոնային կաթետերներ/1

չափաբաժին 19 - բալոնային կաթետերներ/2

չափաբաժին 20 - բալոնային կաթետերներ/3

չափաբաժին 21 - բալոնային կաթետերներ/4

չափաբաժին 22- բալոնային կաթետերներ/5

- Չափաբաժինները կոտորակով ներկայացված ձևաչափով, ըստ համարների, ի՞նչ է նշանակում, հայտատուն որպես ինչ պետք է դրանք մեկնաբանի եւ ընկալի, արդյո՞ք դրանք չեն կարող ընկալվել որպես ծածկագրեր, որոնք քողարկված ուղորդում են նշանակում:
- 5 եւ 11 չափաբաժիններով ներկայացված է 4 եւ 5.2Fr ներքին լուսանցքով ախտորոշիչ կաթետորները բնորոշ են միայն Cordis ֆիրմայի ախտորոշիչ

կաթետորներին որը սահմանափակում է մյուս մասնակիցների մասնակցությունը: Ինչպես նաև մեր ունեցած 6 տարիների աշխատանքային փորձը ցույց է տալիս որ 4Fr ներքին լուսանցքով ախտորոշիչ կաթետորները չեն օգտագործվում: Ուստի խնդրում են պարզաբանել արդյո՞ք համարժեք կղիտարկվի Medtronic ֆիրմայի միայն 5 Fr (մինչև 27մլ/վ) եւ 6 Fr (մինչև 40մլ/վ) ներքին լուսանցքով ախտորոշիչ կաթետորները

- 6-րդ չափաբաժնով ներկայացված ախտորոշիչ կաթետորների տեսակները բնորոշ են միայն Terumo ֆիրմայի ախտորոշիչ կաթետորներին ուստի պարզաբանել արդյո՞ք համարժեք կղիտարկվի Medtronic ֆիրմայի 5 Fr (մինչև 27մլ/վ) եւ 6 Fr (մինչև 40մլ/վ) ներքին լուսանցքով ախտորոշիչ կաթետորները:
- 12 չափաբաժնով ներկայացված երկարությունները +5% օրինակ 95սմ էթե գումարենք 5% հավասար է լինում 99.75սմ արդյոք դա համարժեք կհամարվի Ձեր կողմից, էթե մեր կողմից առաջարկվող կաթետորը 100սմ է: Ինչպես նաև Ձեր կողմից նշված ծայրերի ձեւերը բնորոշ է միայն Cordis ֆիրմայի Vista Bride ապրանքանիշին արդյոք համարժեք կղիտարկվի Medtronic ֆիրմայի Launcher ապրանքանիշը:
- 15 չափաբաժնում պահանջվում է դեղապատ ստենտ Էվերոլիմուս կամ գոտարալիմուս դեղանյութ արտագատող ծածկ, սակայն ըստ ստորեւ նշված տեխնիկական բնութագիրը բնորոշ է միայն Էվերոլիմուս դեղածածկույթով ստենդին ուստի խնդրում ենք պարզաբանել ինչպես կարող է գոտարալիմուս դեղածածկույթով ստենդը համարվել համարժեք:
- 16, 17 չափաբաժիններով պահանջվում է դեղապատ ստենտ եւ բնութագրերով նշված է, որ դրանք պետք է լինեն Էվերոլիմուս, սիրոլիմուս դեղանյութով արդյո՞ք համարժեք կղիտարկվի գոտարալիմուս դեղանյութով պատված ստենդը, որը նույնպես պատկանում է լիմուս դեղախմբերի ընտանիքին սակայն տեխնիկական չափորոշիչներով նույնը չէ բայց ֆունկցիոնալ առումով հնարավոր է հասնել նույն արդյունքին, ինչը պահանջվում է տեխնիկական բնութագրով:
- 18, 19, 20, 21, 22 չափաբաժիններով պահանջվում է բալոնային կաթետորներ, այս չափաբաժիններում նշված են կաթետորի հստակ երկարությունը, բալոնի նյութը, տրամագիծը, երկարությունը, սակայն նշված սահմանափակումներով արդյո՞ք չի ապահովում մեկ արտադրողից ապրանքի գնում, պարզաբանել նշելով սահմանափակումների անհրաժեշտությունը եւ նպատակը, մինչդեռ՝ տարբեր արտադրողների մոտ երկարությունը, բալոնի նյութը, տրամագիծը լինում է տարբեր, սակայն ֆունկցիոնալ առումով թույլ են տալիս հասնել նույն արդյունքին ինչպես նշված է տեխնիկական բնութագրում:»

Պատվիրատուի ներկայացրած տեխնիկական բնութագրերը չեն համապատասխանում օրենքով սահմանված նորմերին եւ հայտատուի համար ստեղծում են ապակողմնորոշող իրավիճակ:

Վիճարկվող հրավերով մասնակցությունն ըստ Էություն առաջացնում է մրցակցության համար չհիմնավորված խոչընդոտներ:

ՀՀ կառավարության 04.05.2017թ թիվ 526-Ն որոշման 22-րդ կետը սահմանում է, որ «Գնման առարկայի բնութագրերը սահմանելիս պետք է հաշվի առնել, որ դրանց պետք է բավարարեն մեկից ավելի հնարավոր մասնակիցներ և արտադրողներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:»

Պատվիրատուն օրենքին անհամապատասխան հրավեր ներկայացնելով սահմանավակում է հնարավոր հայտատու մասնակիցներին մասնակցելու հայտարարված գնման ընթացակարգին:

Օրենքի 26-րդ հոդվածը սահմանում է գնահատող հանձնաժողովի լիազորությունները, որի 1-ին մասի 3-րդ կետի համաձայն՝ պատվիրատուի ղեկավարի հրամանով ձևավորվում է գնահատող հանձնաժողով, որը՝ պարզաբանումներ է ներկայացնում գնման ընթացակարգի վերաբերյալ:

Մեր կողմից ներկայացված հարցադրումներին պարզաբանում չտրամադրելով ըստ էության պատվիրատուն դրսևորել է անգործություն և չի առաջնորդվել օրենսդրի կողմից իրեն տրված լիազորություններով: Հանձնաժողովի դրսևորած անգործությունը ևս մեկ անգամ հիմնավորումն է այն բանի, որ հրավերով ներկայացված տեխնիկական բնութագրերը կազմվել են օրենքի խախտումներով:

Ուշագրավ է այն իրողությունը, որ «Գյումրու բժշկական կենտրոն» ՓԲ ընկերության կողմից սույն թվականին հայտարարվել էր «ԳԲԿ-ԷԱՃԱՊՁԲ-19/5» (ԳԲՔԱ-ԷՍ-2019/22 05.03.2019թ որոշում) և «ԳԲԿ-ԳՀԱՊՁԲ-19/2» (ԳԲՔԱ-ԱՍ-2019/31 05.04.2019թ որոշում) ծածկագրերով հրավերներ, որոնք «Մեզիէլ» ՍՊ ընկերության կողմից բողոքարկվել էր բողոքներ քննող անձին և երկու բողոքներն էլ բավարարվել էին: Բողոքը կազմված հրավերներով պատվիրատուն կազմել է նույն բովանդակությամբ տեխնիկական բնութագրեր, ինչպիսին «ԳԲԿ-ԳՀԱՊՁԲ-19/20» ծածկագրով գնման ընթացակարգով է ներկայացրել:

Այսպիսով, կարծես թե պատվիրատուն չի առաջնորդվում այն իրավական կարգավորումներով և բողոք քննող անձի կողմից կայացված որոշումներում արտահայտած դիրքորոշմամբ և իրավական վերլուծությամբ:

Իրավական նորմերի խախտմամբ կազմված և ներկայացված հրավերը չի կարող ապահովել գնումների այն ընթացակարգը, որը նախատեսել է օրենսդիրը «Գնումների մասին» ՀՀ օրենքով և դրանց իրականացման համար ընդունված իրավական ակտերով (ՀՀ կառավարության որոշումներ):

3. Պահանջ.

3.1. Համաձայն «Գնումների մասին» ՀՀ օրենքի 50-րդ հոդվածի 7-րդ մասի՝ «Գյումրու բժշկական կենտրոն» ՓԲ ընկերությանը պարտավորեցնել չկայացած համարելու ԳԲԿ-ԳՀԱՊՁԲ-19/20 ծածկագրով գնման ընթացակարգը:

Կից ներկայացվում են.

1. Անձը հաստատող փաստաթղթի պատճեն,
2. Բողոք ներկայացնելու համար վճարման անդորրագրի պատճեն:

«Մեզիէլ» ՍՊԸ

Տնօրեն Սամվել Փարիզյան

14 նոյեմբերի, 2019թ